

板

橋

集

板橋集目錄

一編

古今體詩一百八十八首

二編

古今體詩一百五十一首

三編

詞七十七首

目錄
四編

道情十首

五編

題畫六十五則

六編

家書一十六通

詩

賦

紫瓊山潛人慎郡王題詞

高人妙義不求解充腸可藥同
魚鱗此情今古誰復和跡鑿
混沌驚真掌振枯伐萌陳厥
粗浸溪澳吹無不無按拍遙
傳月殿曲走盤龍瀛宮殊
十載相和皆前跡夜深把

卷詩龜屋明眸不識鳥此雀
妄與盲人辨烏鵲

板橋詩鈔

興化鄭燮克柔氏著

鉅鹿之戰

懷王入關自龔督楚人太拙秦人虎殺人八萬取
漢中江邊鬼哭酸風雨項羽提戈來救趙暴雷驚
電連天掃臣報君讐子報父殺盡秦兵如殺草戰
酣氣盛聲喧呼諸侯壁上驚魂逋項王何必爲天
子只此快戰千古無干姦萬黠藏兇矣曹操朱溫
盡稱帝何似英雄駿馬與美人烏江過者皆流涕

種菜歌

爲常公延齡作

有明萬歷天啓間時事壞爛生克頑羣賢就戮九
千歲宮中不復尊龍顏烈皇帝起震而怒練帛一
條殪凶孺天荒氣敗不可回龜鼎潛移九廟仆蒼
谷先生開平嗣屢疏交章稱天意提將白刃守官
門敢盡黃金酬死事都城陷沒走南邦惡孽桐城
馬貴陽新王夜夜酣春夢戊卒朝朝立曉霜上方
請劍長號唾忠讜不聞城又破虎口纔離二黜奸
孤舟欲覆江流大買田種菜作生涯淚落春風迸
野花嬾尋舊第烏衣巷怕看鍾山日暮霞荷鋤負
擔爲傭保菜羹糲食隨荒草時供麥飯孝陵前一

聲長哭松楸倒家有賢媛魏國孫甘貧茹苦被柴
門燒殘昔日鴛鴦錦條盡從前翡翠痕一畦菜熟
一畦種時時汲水提春甕玉纖牽斷井邊繩茅棚
壓匾釵梁鳳幾年瑁璫先生死含飯無資乞鄰里
天涯有客獨揮金棺衾畫嬰皆周祝人心不死古
今然欲往金陵問菜田招魂何處孤臣墓萬里春
風哭杜鵑

題雙美人圖

珮環搖動湘裙冷俏風偷入羅衫領美人相倚借
餘溫細語無聲親素頸年指尖纖指何許似笑姮

娥無伴侶又似天邊笑薄雲夜寒不得成濃雨

自遣

嗇彼豐茲信不移我于困頓已無辭東狂入世猶
嫌放學拙論文尚厭奇看月不妨人去盡對花只
恨酒來遲笑他縑素求書輩又要先生爛醉時

山色

山色清晨望虛無杳靄間直愁和霧散多分遣雲
攀流水澹然去孤舟隨意還漁家破蓑笠天肯令
之間

詩四言

夜殺其人明坐其家處分息事咤衆毋譁主人不知託爲腹心無奸不直無淺不深

仁義之言出于聖口奸邪竊似濟欲忘醜播談忠孝聲悽淚痛吟誑賢明况汝愚衆

當春不華蓄意待秋秋又不實行將誰尤茸蔓藏蛇梧桐噉鳳象分性別各以類貢况汝棘刺鴟鴞避之乃思鸞凰槁死不知

求利于地絲象稼穡求利于天鋤慾植德求利于物網罟釣弋求利于人面曲背直有禽其心有獸其力詆賢玩愚寢危卧仄天亦汝憐大道不塞

偶然作

英雄何必讀書史直據血性爲文章不仙不佛不
賢聖筆墨之外有主張縱橫議論析時事如醫瘵
疾進藥方名士之文深莽蒼胸羅萬卷雜霸王用
之來必得實效崇論閎議多慨慷雕鐫魚鳥逐光
景風情亦足事且狂小儒之文何所長抄經摘史
鉅釘強玩其詞華頗赫爍尋其義味無毫芒第頌
其師客談說居然拔幟登詞塲初驚既鄙久蕭索
身存氣盛名先亡輦碑刻石臨大道過者不讀倚
壞牆嗚呼文章自古通造化息心下意毋躁忙

送友人焦山讀書

焦山須從象山渡，參差上下一江樹。
高枝倒挽行雲住，低枝搏擊江濤怒。
枯藤盤拏蛇走壁，怪石嵒嵒鬼峽路。
日落煙生江霧昏，微茫星火沿江村。
忽然飛鏡出東海，萬里一碧開乾坤。
夜悄山中更淒肅，鸛鶴無聲千樹禿。
鄰屋時聞老僧咳，山魃遠在雲端哭。
幾年不到大江濱，花枝鳥語春復春。
抱書送雨入山去，雙峯覓我題詩處。

海陵劉烈婦歌

烈婦夫武舉從左良玉陣亡，無後婦誓奉公姑。

待其終年即自縊死州人哀之稱爲劉烈婦云
濕雲壓牕燈欲死少婦停梭拂衣起夜慘心孤倦
歆臥沙場夢入深閨裏破甲殘旗裹血痕手提敗
鼓號冤魂自云轉戰身陷沒斷骸漂骨黃河奔禽
皇躑躅婦驚覺羣大亂吠秋籬根深夜欲啼啼不
得淚珠迸落羅袂濕抹去胭脂罷曉粧翠翹雲鬢
無顏色幽問傳來敗散軍果然與夢無差分溫言
緒語慰翁媼幽閨裂破繡羅裙推心一哭數斗血
紙錢飄去迴秋雲柴門寂寞颺颺關病婦把家門
戶瘦夜夜寒機達曙光朝朝破井提鴛鴦十畝荒

田歲不收一園花柳空如繡翁歎媼歎婦即歎宗
祀無人妾何立操將皓頸委紅羅要使芳魂覓沙
磧丈夫死國妻死夫忠義不得轉呼吸一念徘徊
事則敗包羞泉壤何嗟及至今墳樹晚悲號荒月
白草秋原高寒鴉孤棲夜不定哀鳴向月求其曹

揚州

蓋舫乘春破曉煙滿城絲管拂榆錢于家養女先
教曲十里栽花算種田雨過隋堤原不濕風吹紅
袖欲登仙詞人久已傷頭白酒暖香溫倍悄然
廿四橋邊草迢迢荒新開小港透雷塘畫樓隱隱煙

霞遠鐵板錚錚樹木涼文字豈能傳太守風流原
不礙隋皇量今酌古情何限願借東風作小狂
西風又到洗粧樓衰草連天落日愁瓦礫數堆
唱晚涼雲幾片燕鶯秋繁華一刻人偏戀嗚咽千
年水不流借問累累荒塚畔幾人耕出玉搔頭
江上澄鮮秋水新邗溝幾日雪迷津千年戰伐百
餘次一歲變更何限人盡把黃金通顯要惟餘白
眼到清貧可憐道上饑寒子昨日華堂卧錦茵

曉行真州道中

僮僕飄零不可尋客途長伴一張琴五更上馬披

風露曉月隨人出樹林
麥秀帶煙春郭迴山光隔
岸大江深勞勞天地成何事
撲碎鞭柁爲苦吟

寄許生雪江三首

詩去將吾意書來見爾情
三年俄夢寐數語若平生
生南細窗明火鴉棲柳暗城
小樓良夜靜還憶讀書聲

金紫人間事縹緲我輩需閒吟
聊免俗極賤到爲儒妙墨疑懸漏
雄才欲唾珠時時盼霄漢待爾入
雲衢

不捨江干趣年來卧水村
雲揉山欲活潮橫雨如

奔稻蟹垂秋熟原蹄佐酒渾野人歡笑罷買掉會
相存

贈石道士

樓殿玲瓏草木閒洞簫吹徹碧雲間歌成莫擬無
投贈新洗羊脂白玉環

閑居

嬾慢從來應接疎開門掃地足閑居荆妻拭硯磨
新墨弱女持燈索楷書柿葉微霜千點赤紗厨斜
日半窗虛江南大好秋蔬菜紫莼紅薑煮鯽魚
宗子相墓

寥落百花洲老屋破還在遠水如帶環東風吹野
萊

七歌

鄭生三十無一營學書學劍皆不成市樓飲酒壯
年少終日擊鼓吹竽笙今年父歿遺書賣剩卷殘
編看不快爨下荒涼告絕薪門前剥啄來催債嗚
呼一歌兮歌偈側皇遠讀書讀不得

我生三歲我母無叮嚀難割襁中孤登牀索乳抱
母卧不知母歿還相呼兒昔夜啼啼不已阿母扶
病隨啼起婉轉噢撫兒熟眠燈昏母咳寒窗裏鳴

呼二歌兮夜欲半鴉棲不穩庭槐斷

無端涕泗橫闌干思我後母心悲酸十載持家足
辛苦使我不復憂饑寒時缺一升半升米兒怒飯
少相觸牴伏地啼呼面垢汗汙取衣衫爲漚洗嗚
呼三歌兮歌徬徨北風獵獵吹我裳

有叔有叔偏愛姪護短論長潛覆匿倦書逃藥無
事無藏懷負背趨而逸布衾單薄如空橐敗絮零
星熏卧惡縱橫波瀾漫不省就濕移亂叔夜醒嗚
呼四歌兮風蕭蕭一天寒雨聞雞號

幾年落拓向江海謀事十事九事始長嘯一聲沽

酒樓背人獨自間，眞宰枯蓬吹斷久無根。鄉心未
盡，思田園千里還家到，反怯入門忸怩妻無言。嗚
呼五歌，芳頭髮豎，丈夫意氣閨房沮。

我生二女復一兒，寒無絮絡饑無糜。啼號觸怒事
鞭朴，心憐手軟翻成悲。蕭蕭夜雨盈階，此空床破
帳寒秋水清晨，那得餅餌持誘以貪眠。罷早起，嗚
呼眼前兒女，兮休呼爺六歌未闌，思離家。

種園先生是吾師，竹樓桐峯文字奇。十載鄉園共
遊憩，壯心磊落無不爲。二子辭家弄筆墨，片語干
人氣。先寒先生貧病老無兒，閉門僵卧桐陰北。嗚

呼七歌今浩縱橫青天萬古終無情

種園先生陸震

竹樓王國棟

桐峯傾于觀

哭惇兒五首

天荒食粥竟爲長慚對吾兒泪數行今日一是澆
汝飯可能呼起更重嘗

歪角髡兒好戴花也隨諸姊耍盤鴉於今寶鏡無
顏色一任朝光滿碧紗

墳草青青白水寒孤魂小膽怯風湍荒塗野鬼銖
求憤爲訴家貧楮鏹難

可有森嚴十地開兒魂一去幾時回啼號莫倚嬌

憐態邏刹非而父母來

蠟燭燒殘尚有灰紙錢飄去作塵埃浮圖似有三
生說未了前因好再來

邵堊示諸徒

飄蓬幾載困青氈忽忽邨居又一年得句喜拈花
葉寫看書倦當枕頭眠蕭騷易惹窮途恨放蕩深
慚學倖鏤欲買扁舟從釣叟一竿春雨一蓑煙

淮陰邊壽民葦間書屋

邊生結屋類蝸殼忽開一窗洞寥廓數枝蘆荻撐
煙霜一水明霞靜樓閣夜寒星斗垂微茫西風入

帳搖燭光隔岸微聞寒犬吠幾點吟髭更漏長

項羽

已破章邯勢莫當八千子弟赴咸陽新安何苦坑
秦卒壩上焉能殺漢王玉帳深宵悲駿馬楚歌四
面促紅粧烏江水冷秋風急寂寞野花開戰場

鄴城

劃破寒雲漳水流殘星畫角動譙樓孤城旭日牛
羊出萬里新霜草木秋銅雀荒涼遺瓦在幽陵風
雨石人愁分香一夕雄心盡碑版仍題漢徵侯

銅雀臺

銅雀臺十丈起掛秋星壓寒水漳河之流去不已
曹氏風流亦可喜西陵松柏是新栽松下笑人皆
舊妓當年供奉本無情死後安能強哭聲總憚八
尺催歌舞嬾慢盤鴉鬢不成若教賣履分香後盡
放民間作佳偶他日都梁自檢燒回首君恩淚霑
袖

泚水

泚水清且淺沙礫明可數漾漾浮輕波悠悠匯遠
浦千山倒空青亂石兀崖堵我來恣游泳浩歌懷
往古偏側井陘道卒列不成伍背水造奇謀赤幟

立趙土韓信購左車張耳陋肺腑何不赦陳餘與
之歸漢主

易水

子房既有椎漸離亦有笄荆卿利匕首三又徒碌
碌世濁無鳳麟運否縱蛇螭雷霆避其威人謀焉
得速蕭蕭易水寒悄悄燕丹哭事急履虎尾償轅
終敗輶酒酣市上情一往不可復

贈甕山無方上人二首

山褻都城北僧居御苑西雨晴千嶂碧雲起萬松
低天樂飄還細宮莎剪欲齊菜人驅豆馬歷歷俛

長隄

一見空塵俗相思已十年補衣仍帶綻閒話亦深
禪煙雨江南夢荒寒薊北田閒來澆菜圃日引
山泉

追憶真愁烟納涼

江上名湖號真愁納涼先報楚江秋風從綠若栢
頭響雲向青山缺處流尚憶羅襟露竹露可堪清
夢隔沙鷗遙憐新月黃昏後團扇佳人正倚樓

送職方員外孫丈歸田

韓光奎

先生六月江南去做黍秋風亦徑歸鱸膾先嘗應

憶我蕨薇堪飽莫開扉故人幾輩頭俱白後學相
看識者稀淮海文章終自在任渠披謁絳紗幃
鶴兒灣畔藕花香龍舌津邊稞稻黃小艇霧中看
日出青錢柳下買魚嘗邨墟古廟紅牆立天末孤
雲白帶長借取漁家新箬笠一竿煙雨入滄浪

嶧山

徐州五色土乃在嶧山下凸凹見青黃崩裂墮赤
赭偃蹇十里石蒼怒卧牛馬苔斑古銅鑄黑骨積
鐵治耒然觸穹蒼千峯構雲屨曲逕回腸盤飛泉
震雷瀉古碑斷蝨魚老屋頽幾瓦秋河甌可竭寒

星摘盈把。悲鳥百羣叫。孤鶴萬年寡。結茅此間住。
萬事夢可捨。山中古仙人。或有騎龍者。

山寺

山頂何年寺。寒牆補破雲。古鐘雀巢鈕。斷石藤成
穴。僧話從教譯。爐香久不焚。迴風吹柿葉。淒響正
紛紛。

徐君墓

湛虛夜哭墳頭樹。天神石怪精靈聚。月射芙蓉冷
露凝。霜寒鞞琫銀蛇吐。殷殷時呼水底龍。熊熊欲
化山頭虎。爲表延陵萬古心。忍負徐君三尺土。世

人。授。贈。不。及。身。百。千。賻。布。空。爾。情。季。子。抱。恨。刻。心。
骨。區。區。掛。劍。徒。虛。名。眼。前。眷。戀。情。難。厭。死。後。相。思。
空。寄。念。席。上。摩。挲。便。贈。之。一。條。秋。水。橫。棺。殮。

贈博也上人

閉門何處不深山。蝸舍無多八九間。人跡到稀春
草綠。燕巢營定畫梁閒。黃沉小竈茶烹陸。白雨幽
窓字學顏。獨有老僧無一事。水禽沙鳥聽闌闌。

寄許衡山

江淮韻士許衡州。近日蕭疎似昔不。好事春泥修
茗竈。多情小盃覆。詩闌食眠消。減綠花瘦。燈窗雨。

量怨水流我有無題新脫稿寄君吟向小朱樓

寄松風上人

豈有千山與萬山別離何易來何難一日一日似
流水他鄉故鄉空倚闌雲補斷橋六月雨松扶古
殿三時寒笋脯茶油新麥飯幾時猿鶴來同餐

喜雨

宵來風雨撼柴扉早起巡簷點滴稀一逕煙雲蒸
印出滿船新綠買秧歸田中水淺天光淨陌上泥
融燕子飛共說今年秋稼好碧湖紅稻鯉魚肥
引量上人精舍

疎疎秋濤湧樹根西風落葉破柴門蠻鴉日暮無人管飛起前村人後邨

山門夜悄不能呼冷燭爍船宿葦蒲殘月半天霜氣重曉鐘雞唱滿東湖

題畫

秋山秋樹秋水蒼瘦禿落清駛鷺曾遊望依稀渺渺雁行沙觜

悍吏

縣官編丁著圖甲悍吏入村捉鵝帛縣官養老賜帛肉悍吏沿村括稻穀豺狼到處無虛過不斷人

喉抉人目長官好善民已愁况以不善司民牧山
田苦旱生草管水田浪闊聲潺潺聖主深仁發
天庾悍吏貪勒爲刀奸索逋洵洵虎而翼叫呼楚
撻無寧刻林中殺雞忙作食前村後村已屏息鳴
呼長吏定不知知而故縱非人爲

私刑惡

自魏忠賢拷掠羣賢淫刑有出其遺毒猶在人
間胥吏以慘掠取錢官長或不知也仁人君子
有至痛焉

官刑不敵私刑惡掾吏搏人如豕搏斬筋抉髓剔

毛髮督盜搜贓例苛虐吼聲突地無人色忽漫無
聲四肢直游魂蕩漾不得死婉轉迴甦天地黑本
因凍餒迫爲非又值姦刃取自肥一絲一粒盡搜
索但憑皮骨當嚴威蠱蠱妻女小兒童拘囚繫械
網一空牽累無辜十七八夜來鎖得鄰家翁鄰家
老翁年七十白捫長椎敲更急雷霆收聲怯吏威
雲昏雨黑蒼天泣

撫孤行

十年夫歿府書麓歲歲曉書抱書哭縹緲破裂方
錦紋玉軸牙籤斷湘竹孀婦義不賣藏書況有孤

雖是遺腹四壁塗鴉嗔不止十日索墨五日紙學
俸無錢愧塾師綫脚鍼頭勞十指燈昏燭短空房
黑兒讀無多母長織敗葉走地風沙沙檢點兒眠
聽曉鴉

贈巨潭上人三首

山骨蒼寒坐古牆壞廊拳曲入僧房金錢十萬誰
來施多起樓臺占夕陽

墨磔鉛匙一兩三半寫畫意寫江南誰家絹素催
人急先向空中作遠嵐

寒煙裊裊淡孤邨一縷霜華界瓦痕睡足曉窓無

一事蒲山晴日未開門

別梅鑑上人

海陵南郭居人少。古樹斜陽破佛樓。一迺晚煙籬
菊瘦。幾家黃葉荳棚秋。雲山有約憐狂客。鐘鼓無
情老比丘。回首舊房留宿處。暗窓寒紙颯颯風。
客揚州不得之西邨之作

自別青山負夙期。偶來相近輒相思。河橋尚欠年
時酒。店壁還留醉後詩。落日無言秋屋冷。花枝有
恨曉鶯癡。野人話我平生事。手種垂楊十丈絲。

再到西村

青山問我幾時歸。春雨中長蘼薇。分付白雲留
倦客。依然松竹滿柴扉。送花鄰女看都嫁。賣酒村
翁興不違。好待秋風禾稼熟。更修老屋補斜暉。

除夕前一日上中尊汪夫子

瑣事貧家日。萬端破裘雖補。不禁寒。餅中白水供
先祀。窓外梅花當早餐。結網縱勤。河又涸。賣書無
主歲。偏闌明年。又值掄才會。願向秋風借羽翰。

秋夜懷友

斗帳寒生被。輕疎星歷歷。隔窓明滿階。蕉葉兼
梧葉。一夜風聲似雨聲。塞北天高鴻雁遠。淮南木

落楚江清客中又念天涯客直是相思過一生

芭蕉

芭蕉葉葉爲多情一葉纔舒一葉生自是相思抽
不盡却教風雨怨秋聲

梧桐

高梧百尺夜蒼蒼亂掃秋星落曉霜如何不向西
州植倒挂綠毛么鳳皇

得南閨捷音

忽漫泥金入破籬舉家歡樂又增悲一枝桂影功
名小十載征途發達遲何處寧親惟哭墓無人對

鏡嬾窺惟他年縱有毛公檄捧入華堂却慰誰

山中雪後

晨起開門雪滿山雪晴雲淡日光寒簷流未滴梅
花凍一種清孤不等閒

題畫

兩岸青山聚米多長江窄窄一條梭千秋征戰誰
將去都入漁家破網羅

莫爲

莫爲甄妃感寂寥袁曹寵幸舊曾饒周郎早世孫
卽天賜斷江東大小喬

小廊

小廊茶熟已無煙折取寒花瘦可憐寂寂柴門秋水闊亂鴉揉碎夕陽天

懷舍弟墨

我無親弟兄同堂僅二人上推父與叔豈不同一身一身若連枝葉葉相依因樹大枝葉富樹小枝葉貧况我兩弱幹荒河蔓草濱走馬折爲鞭樵斧摧爲薪含悽度霜雪努力愛秋春我年四十二我弟年十八憶昔幼小時清癯欠肥胸老父酷憐愛謂叔晚年兒餅餌擁其手病飽不病飢出門幾回

顧入門先抱持年來父叔歿移家僦他宅幸有破
茅茨而無飽糠覈老兄似有才苦不受繩尺賢弟
才似短循循受謙蓋前年葬大父壙有金蠅螭或
云是貴徵便當興其家起家望賢弟老兄太浮誇
家貧富書史我又無兒子生兒當與分無兒盡付
爾離家一兩月念爾不能忘客中有老樹枝葉鬱
蒼蒼東枝近簷屋西枝過鄰牆兩枝不相顧剪伐
誰護將感此傷我懷苦樂須同嘗

書苦短

晝苦短夜正不長清歌妙舞看未足樓頭曙鼓聲

皇明星拔地纔數尺日光搖動來扶桑晝苦短
晝亦不短山中暇日如小年塵世光陰疾如箭古
來開國多聖明歷盡艱難身百戰一朝勘定稱至
尊承明殿上頭毛髮安期棗盡還瘳羸赤松黃帝
墳纍纍學仙學佛空爾爲晝苦短西日飛

贈高郵傅明府并示王君廷藻

傅諱椿

出牧當明世銘心慕古賢安入龔渤海執法況青
天瑣細知幽興高明得靜便星躔羅腹底冰雪耀
眉端昔守淮隄撼曾憂暑雨濺麻鞵操斧鋪百口
寄舟船生死同民命崎嶇犯世嫌上官催決塞小

吏只壅田時值西風急憑翻竹槌編孤城將不保
下命敢求全痛哭蒼天應焚香巨浪恬支祈收震
怒河伯効淵潛運道終無急居民亦有年稻梁千
里熟歌舞數州連魚蟹多無筭雞豚不計錢青帘
橋畔酒細雨樹中煙父老村村祝銓衡緩緩遷丈
游春水瀟灑社夜珠懸願獻長溪藻還供縮項鰻
鄰邦咸取法下邑賜矜憐訪我荒城北停舟荻岸
邊一談胸吐露數盡意周旋頗有王生者曾經絳
帷延美材承斷削高義破迤邐約束神應阻鑑鍾
器益堅秋風動南國六翮會翩跹

落拓

乞食山僧廟縫衣歌妓家年年江上客只是爲看
花

贈潘桐岡

讀書必欲讀五車胸中撐塞如亂麻作文必欲法
前古婢學夫人徒自苦吾曹筆陣凌雲煙掃空氛
翳鋪青天一行兩行書數字兩箕北斗排星躔有
時滴墨矯且妍曉花浮露春風鮮謠猗女郎年十
四欲折不折心相憐斬龍殺虎提龍泉定情溫細
桃花牋蕭蕭落落自千古先生信是人中仙天公

曲意來縛繫困倒揚州如束濕空將花鳥媚暑
沽獨遣愁魔陷英特志亦不能爲之抑氣亦不能爲
之塞十千沽酒醉平山便拉歐蘇共歌泣君不見
迷樓隋帝最荒淫千秋猶占煙花國名姬百琲試
琵琶駿馬千金買鞍勒丈夫得志會有時人生意
氣何終極揚州四月嫩晴天且買櫻笋鱖魚相喫
食

觀潮行

銀龍翻江截江入萬水爭飛一江急雲雷風霆爲
先驅潮頭聳竝青山立百里之外光熒熒若斷若

續最有情崩轟喧壓倏已過萬馬飛渡蕭山城錢
塘岸高石五丈古松大櫟盤森壑翠樓朱檻衝波
翻羽旗金甲雲濤上伍胥文種兩將軍指揮鯤鯨
鯨鼉蟬杭州小民不敢射盪緒擊鼉來相享戎軍
平生多鬱塞豪情逸氣新搔癢風定月高潮漸平
老魚夜哭蛟宮盪

弄潮曲

錢塘小兒學弄潮，硬篙長楫捺復捎。舵樓一人如
鑄鐵，死灰面色睛不搖。潮頭如山挺，船人艣膀掀。
翻船豈立，忽然滅沒無影蹤。緩緩浮波衆船集，潮

平浪滑蓬沙鷗歌笑山青水碧流世人歷險應如
此忍耐平東拜後頭

肅宗

百戰艱難復兩京范陽餘孽尚縱橫太平天子無
愁思內殿惟聞打子聲

南內

南內淒清西內荒淡雲秋樹滿宮牆由來百代明
天子不肯將身作上皇

輜光

輜光古殿嵌山巖北窓直吸餘杭縣葛洪小兒峯

嶺低南屏一片排秋扇錢塘雪浪打西湖只隔杭
州一條綫海口烘雲濕已乾下界奔雷作蛇電山
中老僧貌奇古十年不踏西冷土厭聽湖中歌吹
聲肯來伺候衙門鼓曲房幽澗養神魚古碑剔蘚
蚪蚪書銅餅野花鳥几靜湘簾竹榻清風徐飲我
食我復煮我茅屋數間山側左分屋而居分地耕
夜燈共此琉璃火我已無家不願歸請來了此前
生果

偶成

雨過天全嫩樓新燕有情江晴春浩浩花落水平

平越女吹簫坐吳兒撥馬行回頭各含意煙柳開
州城

飲李復堂宅賦贈

四月十五月在樹淡風清影搖窗戶舉酒欲飲心
事來主客無言客起去主人起家最少年驛驕初
試珊瑚鞭護蹕出入古北口橐筆侍直

仁

皇前才雄頗爲世所忌口雖贊歎心不然蕭蕭匹
馬離都市錦衣江上尋歌妓聲色荒淫二十年丹
青縱橫三千里兩嬰世網破其家黃金散盡妻孥
嫠剝啄催租惱吏頻水田千畝勸爲累途窮賣畫

畫益賤傭兒賈豎論非是昨畫雙松半未成醉來
怒裂澄心紙老去翻思踏軟塵一官聊以庇其身
幾遍花開上林樹十年不見京華春此中滋味淡
如水未忍明良徑賤貧

題圓冠霞畫山樓

豎幅橫披總畫山滿樓空翠滴煙鬟明朝買棹清
江上却在君家圖畫間

大中丞尹年伯贈帛

落拓揚州一敝裘綠楊蕭寺幾淹留忽驚霧縠來
相贈便剪春衫好出曉花下莫教雨露滴燈前還

旋覆香篝興來小步隋隄上滿袖東風散旅愁

題遊俠圖

大雪滿天地胡爲仗劍游欲談心裏事同上酒家樓

題程羽宸黃山詩卷

黃山擎空青造化何技癢陰陽未判割精氣互滉
濛圓結勢綿迂抽拔昂
等日月始明白雲龍漸
來往軒成末苗裔鍊丹砂
瞰天都強名目芙蓉
謬借獎秦漢封錮深唐宋遊屐廣雲海盪詩肺松
濤簸天響飛泉百斷續怪石萬魍魎
少少塔廟開

微微金翠榜岑巉峩樓殿龍象森灌莽鵲鵲鳩
鳩榛樾橐栗橡巖果垂纍纍仙禽翩晃晃山腰矮
雷靈峰頂聳蒲蔭膚土寸若金風蘿密於網轉逕
窄欲墮陟巘眩還惘我欲躋顛嶠夢寐徒悵快陸
騎姑熟驢波泛浙江漿羈遲婚嫁累尚賤簪笄想
山靈久拒斥飛砂擊俗額輸君飽遊憩晴嵐披翠
爽澡泉暢骨脉卧雪飲瀝沆聒耳流琮琤聳身峰
仄仰摘星揭戶牖洗日滌盪盪賦詩數十篇才思
何闊朗刻畫寵金石鏗錡叶平上硃砂入爐竈天
馬受羈鞅骨重勢鬱紆神清氣英蕩你記數千言

瑣細傳幽賞同遊誰何人吾宗虔谷黨當境欣淋
漓離懷惜疇曩昔我未追逐今我實慨慷萬願林
壑最一官休歛儻當復邀同遊爲君負節旆

贈張蕉衫

淮南又遇張公子酒滿青衫日已曛攜手玉勾斜
畔去西風同哭窈窕墳

上江南大方伯晏老夫子

諱斯盛

虎瞰峯高迥出雲鳳池春早曲流紋才充土苑千
林秀氣壓西江九派分舟下牂牁開漲海山臨銅
鼓拂南薰武侯千載征蠻後直待先生展大文

公新渝人申翰苑視學貴州

歸朝晉秩列卿班檢點彤儀肅珮環虎旅千人排
象闕鷄行九品拜龍顏再持文柄心逾下屢沐殊
恩意轉閒慚愧無才經拂拭也隨桃李謁高山
公以大鴻臚分校禮闈

星軺渺渺下南邦劍匣書囊動曉裝六代煙花迎
節鉞一江波浪湧文章雲邊保障閒鍾阜天下軍
儲仰建康赤旱于今憂不細披圖何以繪流亡
淮南大郡古揚州小縣人居薄海陬架上縹緗皆
舊帙枕中方略問新猷鄱湖浪闊翰洋子匡阜雲

來潤石頭手把干將渾未試幾回磨淬大江流

由興化迂曲至高郵七截句

百六十里荷花田幾千萬家魚畝邊舟子搦篙撐
不得江村照人嬌可憐

煙蓑兩笠水雲居艤樣船兒蝸樣廬賣取青錢沽
酒得亂攤荷葉擺鮮魚

湖上買魚魚最美煮魚便是湖中水打槳十年天
地間驚鷺認我爲漁子

買得鱸魚四片腮葦蕩點豉一尊開近來張翰無
心出不待秋風始却回

柳塢瓜鄉老綠多公紅一點是秋荷暮雲卷盡夕
陽出大未冷風吹細波

一塘蒲過一塘蓮荇葉菱絲滿稻田最是江南秋
八月雞頭米饗蚌珠圓

船窗無事哺秋蟲容易年光又冷風繡被無情團
扇薄任他霜打柿園紅

贈國子學正侯嘉璠弟

讀書數萬卷胸中無適主便如暴富兒頗爲用錢
苦大哉侯生詩且達其肺腑不爲古所累氣與意
相輔灑灑如貫珠斬斬入規矩當今文士場如公

那可睹家住浙東頭山凹水之潯馬峰天上削台
根海底柱樹密龍氣深雲霾石情怒安得從君遊
嘯歌入天燒龍湫萬丈懸對坐濯靈府我詩無部
曲瀾漫列卒伍轉鬪屢蹶傷猶思暴猛虎家非山
水鄉半生食鹽鹵頑石亂木根憑君施巨斧

贈胡天游弟

作文勉強爲荊棘塞喉齒乃興勃發處煙雲拂滿
紙檢點豈不施濤瀾浩無涖昨讀秋霖賦觸手生
妙理塗抹古是非排撻世歡喜抽思雲影外造語
石骨裏李廣飛將軍自然成壁壘列子御風行庸

夫尋轍軌錢塘江雨青山陰石髮紫何必采雲芝
千崖看秀起山靈愛狂逸矚矚識才技雜沓吾揚
州煙花欲羞死

燕京雜詩

不燒鉛汞不逃禪不愛烏紗不要錢但願清秋長
夏日江湖常放米家船

偶因煩熱便思家千里江南道路賒門外綠楊三
十頃西風吹滿白蓮花

碧紗窗外綠芭蕉書破葉陰坐寂寥小婦最憐消
渴疾玉盤紅顆進冰桃

呈張者

御溝楊柳萬千絲
雨過煙濃嫩日遲
擬折一枝猶未折
罵人春燕太嬌癡
桃花嫩汁搗來鮮
染得幽閨小樣箋
欲寄情人羞自嫁
把詩燒入博山煙

酬中書舍人方超然弟

砒粉官箋五色裁
兔毫揮斷紫煙煤
書成便擬蘭亭帖
何用蕭郎賺辨才
君家兩世文名盛
宦况蕭條分所宜
笑我筆花枯已盡
半生冤枉作貧兒

老伯文軒先生諱黎如

讀昌黎上宰相書因呈執政

常怪昌黎命世雄功名之際大匆匆也應不肯他
途進惟有修書謁相公

甕山示無方上人

松梢月影度清秋雲淡山空古寺幽蟋蟀亂鳴黃
葉遲瓜棚半倒夕陽樓客來招飲欣同出僧去烹
茶又小留寄語長安車馬道觀魚溪上是天游

寄青崖和上

山中卧佛何時起寺裏櫻桃此日紅驟雨忽添晴

下水泉聲都作晚來風紫衣鄭重

君恩在

御墨淋漓象教崇透脫儒書千萬軸遂令禪事得真
空

訪青崖和尚和壁間晴嵐學士虛亭侍讀原

韻

晴嵐張公若雷虛亭鄂公容安

西風肯結萬山緣吹破濃雲作冷煙匹馬徑尋黃
葉寺雨晴稻熟早秋天

渴疾由來亦易消山前酒旆望冰遙直深更飲秋
潭水帶月連星留一瓢

屋邊流水勢潺湲峭壁千條瀑布繁自是老僧饒
佛力杖頭撥處起靈源

烟霞文字本閑情袍笏山林味總清兩兩鳳凰天
外叫人間小鳥更無聲

法海寺訪仁公

昔年曾此摘蘋婆石逕欹危挽綠蘿金碧頻成新
法界惜他荒朴轉無多

參差樓殿密遮山鴉雀無聲樹影閒門外秋風敲
落葉錯疑人叩紫金鐺

樹滿空山葉滿廊袈裟吹透北風涼不知多少秋

滋味卷起湘簾問夕陽

同起林上人重訪仁公

幾日不相見作詩盈一囊
立殘雲外漏銷盡定中
香雨歇四天碧風高秋稼黃
可應歌擊壤更爲繼
陶唐

賓主吟聲合幽窗夜火然
風鈴如欲語樹鶴不成眠
月轉山沉霧花深鷲入煙
朝霞鋪滿徑栽取作
蠻峽

勝地前朝闢青山

帝在清尊教輕一物可待報
他生齋粥分天庾盤蔬

列真壑秋風滿松聲幽梵曉來清

山中夜坐再陪起上人作

久語山上煙月出秋樹底清光射玲瓏峭壁澄寒
水棲鳥見其腹歷歷明可指秋蟲草際鳴切切哀
不已禪心冷欲冰詩懷淡彌旨吟成無牋麻書上
破窗紙

頑奴倦烹茶湯沸火已滅冷然酌秋泉心肺總寒
冽叢花夜露滋細蟾石上茁老槐恃氣力排風骨
正折坐久月當中寒光射毛髮不但飲秋泉此心
何得熱

晨起望諸山煙嵐潏漲寒陽烏初出海氣弱不得
力墨雲橫亘天穉霞斂顏色重帛那禁寒擁裘坐
巖巔露重如小雨徑危滑難陟酸棗垂纍纍瓜果
蔓寒棘招手謂山鳥與爾得飽食

詩成令我寫寫就復塗抹骨肱微參差有愛忍心
割未得如抽繭鍼尖隱毛褐既得如尸解蠅螂忽
蟬脫主人門外來詩才日豪闊遲疾各性情維余
氣先奪

贈圖牧山 諱清格

我訪圖牧山步出沙窩門靡腫百本樹斷續千丈

垣野廟包其中蹒跚僧灌園僮奴數十家雞犬自成邨青鞵踏曉露小閣延朝曦烹茶亦已熟洗盞猶細捫平生書畫意絕口不一言江南渺音耗不知君尚存願書千萬幅相與寄南轅

又贈牧山

十日不能下一筆閉門靜坐秋蕭瑟忽然興至風雨來筆飛墨走精筆出小草小蟲意微妙古石古雲氣奔逸字作神馬鐘鼎文雜以蝌蚪點濃漆恠迂荒幻性所鍾爰貼細膩學之謚訪君古樹荒墳邊葉凋草硬霜凜栗一醉十日亦不辭廬溝歸馬

催人疾揚州老僧文思最念君一紙寄之勝于鎡

送都轉運盧公

諱見曾

揚州自古風流地惟有當官不自怡鹽筴米囊銷
歲月崖花濶鳥避旌旗一從吏議三年謫得賦淮
南百首詩昨把青鞵踏隋苑壺漿獻出野田兒

清詞頗似王摩詰復以精華學杜陵吟撼夜窗秋
紙破思凝寒澗曉星澄樓頭古瓦疎桐雨牆外清
歌畫舫燈壓盡悲歡並噴寂心絲集入碧雲層

塵埃吹去又生塵汨盡英雄爲要津世外煙霞負
漁釣胸中寵利愧君臣去毛折項葫蘆熟豁齒蓬

頭婢僕具兩世君家有清德即今風雅繼先民
何限鸛鸞供奉班慙子引對又空還舊詩燒盡重
騰藁破屋修成好住山自寫簪花教幼婦閒拈玉
笛引雙鬟吹噓更不勞前輩從此江南一梗頑

李氏小園

小園十畝寬落落數間屋春草無穢滋寒花有餘
馥閉戶養老母拮据市梁肉大兒執鐮刀縷縷切
紅玉次兒拾柴薪細火煨陸續煙飄葢架青香透
疎籬竹負家滋味薄得此當鼎鍊弟兄何所餐宵
來母贍粥

晨起縫破衣鍼線不成行母年七十四眼昏手又
僵裝綿苦欲厚用線苦欲長綫長衣縫緊綿厚耐
雪霜裝成令兒暖母衣單薄涼不衣逆母懷衣之
情內傷

兒病母煮藥老淚滴爐灰幾死復得活爲母而再
來終養理之順髮兒情至哀老天有矜憐復使歸
母懷

兄起掃黃葉弟起烹秋茶明星猶在樹爛爛天東
霞杯用宣德瓷壺用宜興砂器物非金玉品潔自
生華蟲遊滿院涼露濃敗蒂瓜秋花發冷豔點綴

枯籬笆閉戶成義皇古意何其賒

野老

輸罷官租不入城秋風社酒各言情
明年二月逢春閨細雨長隄看耦耕

贈金農

亂髮圍成字深山鑿出詩不須論骨髓
誰得學其皮

細君

爲折桃花屋角枝紅裙飄惹綠楊絲
無端又坐青莎上遠遠張機捕雀兒

雨中

終日苦應酬連陰得閉門清涼滿心肺草木向我
言新竹倚屋簷綠沁窗紙昏梁燕坐不出蝸牛滿
苔痕犬跡踏沙軟躡屐恐泥翻迴廊足散步把書
行且溫家釀亦已熟呼僮傾盞盆小婦便爲客紅
袖對金尊

平山宴集詩

爲進士王元衛作

閒雲拍拍水悠悠樹繞春城燕繞樓買盡煙花酒
盡恨風流無奈是揚州

春風細雨雷塘路旭日明霞六一祠江上落花三

十里令人愁殺冷胭脂

江東豪客典春衫綺席金尊索笑談臨上馬時
送酒寒鴉落日滿淮南
野花紅艷美人魂吐出荒山冷墓門多少隋家舊
宮怨珮環聲在夕陽邨

贈梁魏金國手

坐我大樹下秋風飄白髭
朗朗神仙人閉息欽光
儀小婦竊窺廊紅裘颺疎籬
黃精煨正熟長跪奉
進之食罷仍閉目鼻息細如絲
夕影上樹杪落葉
滿身吹機心付水釋靜脈無橫馳
養生有大道不

獨觀奕碁

骨董

末世好骨董甘爲人所欺千金買書畫百金爲裴
池缺角古玉印銅章盤龜螭烏几斫劍雀象牀燒
金独一杯一尊聲按圖辨款儀鈎深索遠求到老
如狂癡骨肉起訟獄朋友生猜疑方其富貴日價
直千萬奇及其貧賤來不足換餅餐我有大古鼎
世人苦不知伏羲畫八卦文周孔繫辭洛書著洪
範夏禹傳商箕東山七月篇王駸何陸離是皆上
古物三代即次之不用一錢買滿架堆離披乃其

最下者韓文李杜詩用以養德行壽考百歲期用
以治天下百族歸淳熙大古不肯好逐逐流俗爲
東家宣德爐西家成化甕盲人寶陋物惟下愚不
移

逢客入都寄鼎宗上人口號

汝到京師必到山山之西麓有禪關爲言九月吾
來住檢點白雲房半間

貧士

貧士多窘艱夜起披羅幃徘徊立庭樹皎月墮晨
輝念我故人好謀生當無違出門氣頗壯半道神

已微相遇作冷語吞話還來歸歸來對妻子局促
無儀威誰知相慰藉脫簪典舊衣入厨然破釜烟
光凝朝暉盤中宿果餅分餉諸兒饌待我富貴來
鬢髮短且稀莫以新花枝謂此蘼蕪非

行路難三首

天明始覺滿身霜抖擻征衫曳馬鞭茅店煖烟噓
冷面舐人朝日出林塘

關山老馬怯馳驅幼僕而今作壯夫萬里功名何
處是猶將青鏡看鬚鬚

紅帖糊門挂栢枝東風馬上過年時一杯濁酒家

千里送行多情送餅餐

又一首仍用前起句

天明始覺滿身霜日出纔伸十指僵
山色半青還半霧馬頭紅葉是何莊

廣陵曲

隋皇只愛江都死袁嬖淚斷紅珠子
玉勾斜土化為烟散入東風
桃李樓上摘星攀夜天斗珠灼
灼弄人肩
雷塘水光四更白月痕斜出吳山尖
曉閣涼雲笛聲瘦
碎鼓點花撒秋豆
長夜歡娛日出
眠揚州自古無清晝

秦官詩後長吉作

方連四角燒艷香酒闌妓合燈煌煌金與翠憶貴
人散只有秦官入畫堂南堂夫人賜金兕北堂相
公同繡被未識歡哥一片心平分偏向知何寄內
寵外寵重復重晝有微眠夜無寐自古淫花蕩雨
風海棠不得辭憔悴天生桀黠奴非衆柔軟嬌慙
復驍勇鳩鵲承明百尺墻斗上平翻燕赤鳳

范縣呈姚太守

諱興漢

落落漠漠何所營蕭蕭澹澹自為情十年不肯由
科甲老去無聊挂姓名布襪青鞵為長吏白榆文

右種春城幾四大府來相問隴上閒眠看耦耕

塞下曲三首

天遠山空塞草長太平羽獵出漁陽少年馬上談
詩事一種風流夾莽蒼

萬幃千山落日多將軍獵罷選清歌胡姬醉舞雙
紅袖笑指黃羊挂駱駝

洗盡寒酸舊華頭十年關塞覓封侯臂鷹躍馬黃
皮袴射得豐狐作短裘

村居

霧樹冥濛叶亂鳴濕雲初變早來霞東風已綠先

草細雨猶寒後夜花村艇隔烟呼鴨禱酒家依
岸北籬笆深居久矣忘塵世莫遣江聲入遠沙

懷無方上人

初識上人在西江廬山細瀑鳴秋窗後遇上人入
燕趙甕山古瓦埋荒廟今君聞佳孝兒營亂石寒
雲補棘荆別築岩前數間屋繪圖招我同歸耕伊
昔茅棚晒秋藥我混屠沽君種作推墮蹇驢却市
中笑而不怒心寥廓嗟我近事如束芥爪牙惡吏
相推排不知喜怒為何事夜夢跼蹐朝喧阓一年
一年逐留滯徒使高人笑沈沈我已心魂傍尔飛

來歲不歸有如水

懷程羽宸

余江湖落拓數十年惟程三子

鵠奉千金為壽一洗窮愁羽宸是其表字

世人開口易千金畢竟千金結客心自遇西江程
子鵠掃開寒霧到如今

十載青書迥不通蓼花洲上有西風傳未似有非
常信幾夜酸辛屢夢公

渡江

潏日出復沒江光紫而冷風平浩浩波颿定亭亭
影瓜步淼然去北固蒼翠耿未暇遊金焦先寓象

山頌

招隱寺訪舊五首

江鳥喚朝興山中訪舊僧
遇泉先解渴濟勝漫誇
能十里樹中曲半樓天外凭
上方應遠在小歇更
攀登

沃水先清面除煩更削爪
客真無禮數僧亦去袈
裝竹榻斜支枕苔窓卧看花
來朝好風日細細探
烟霞

禪房精華硯窓又碧紗
糊吮墨情溫細吟詩味澹
腴茶槍新摘薤蓮露旋收珠
小盞烹涓滴青光淺

淺淨

俯瞰僧歸寺微茫蟻附階過橋疑入澗轉樹忽登
崖碧綠新篁果輕黃舊草巖林深天欲暮風起作
陰霾

樓有高於樹樹更迫於樓上下扶藹碧陰晴戶開
幽鳥聲人語讓花氣日光道五月山秋逼僧衣裹
作裘

雲

濃雲風不動薄靄片時過澤小含烟少山深吐氣
多瀾漫遮大塊輕弱赴微波愛巧嫌癡重人情可

奈何

乳母詩

乳母費氏 先祖母蔡太孺人之侍婢也
變四歲失母育于費氏時值歲飢費自食
于外服勞于內每晨起負燮入市中以一
錢市一餅置燮手然後治他事閒有魚殮
瓜果必先食燮然後夫妻子母可得食也
數年費益不支其夫謀去乳母不敢言然
長幣淚痕日取太孺人舊衣澣洗補綴汲
水盈缸滿甕又買薪數十束積竈下不數

日竟去矣。變晨入其室，空空然見石牀敗几，縱橫視其竈，猶溫有飯一盞，葉一盂，藏金內，即常所飼燮者也。燮痛哭，竟亦不能食。美後三年來歸，侍太孺人，撫燮倍摯。又三十四年而卒，壽七十有六。方來歸之明年，其子俊得操江提塘官，屢迎養之，卒不去。以太孺人及燮故，變成進士，乃喜曰：吾撫幼主成名，兒子作八品官，復何恨？遂以無疾終。

平生所負恩不獨一乳母，長恨富貴遲，遂令慚惡。

久黃泉路迂濶白髮人老醜食祿千萬鍾不如餅
在手

白門楊柳花

白門楊柳花飄飄陌上遊人互見招明璫翠袖車
中手錦帶彎弓馬上腰少年何必曾相識好鳥名
花天下惜妾住青樓第幾家映門桃柳方連刻家
有水亭新綠荷東風不大生微波願得晴明好天
氣郎來倚檻流清歌郎意溫勤自安妥郎情似薄
誰關鎖陌上遊人盡愛儂儂得郎憐然後可

長干女兒

長于女兒年十四春遊偶過南朝寺
髣髴纖鬆拜佛遲低頭墮下金釵
翠寺裏遊入最少年閒行拾得翠花
鈿送還不識誰家物幾嗅香風立悵然

長干里

牆裏花開牆外見籬門半覆垂楊
綠門外春流一派清青山立在門當
面老子栽花百種多清晨擔賣下前
坡三間古屋無兒女換得鮮魚供阿
婆繰絲織繡家家事金鳳銀龍貢天
子花樣新添一綫雲舊機不用西湖
水機上男兒百巧民單衫布褐不遮
身中原百歲無爭戰免荷干戈敢怨
貧

比蛇

粵中有蛇好與人比較長短勝則嚙人不勝則自死然必面令人見不暗比也山行見者以傘具止冲蛇不勝而死

好向人間較短長截岡要路出林塘縱然身死猶遺直不是偷從背後量

脆蛇

是蛇易斷易續能治病無毒土人以竹筒誘入塞之焙以爲藥

爲製人間妙藥方竹筒深鎖掛枯牆剪屠有毒蛇

無毒究竟身從何處藏

紹興

丞相紛紛詔勅多紹興天子只酣歌金人欲送徽
欽返其奈中原不要何

宿光明殿贈婁真人

諱近垣

老聃莊列人
中仙未聞白
晝升青天五
千妙義南
華詮虛靜恬
澹返自然秦
皇漢武心如
烟騰空飄

幻無涯邊茂陵樹接驪山阡牧羊奴子來燒煎金丹服食促壽年元和大歷無愚略我朝力掃諸從前踢翻藥竈流丹鉛真人應運來翩翩神清氣朗心靜專渾融天地爲方圓出入仁義恢經權藏和納粹歸心田有何燒鍊丹磨研有何解脫尸蛇蟬我來古殿夜宿眠銀龍金索搖星躔雕闌玉砌朝露鮮名花異草相綿連寶民千百萬金錢有明事業諸所傳真人假寓心棄捐毀之重勞姑置焉天子曰俞耶取傾匪令逐逐還沾沾富而教之王政全萬國壽命同修延

破衲爲從祖福國上人作

衲衣何日破四十有餘年白首仍縫綻青春已結
穿透涼經夏好等絮入秋便故友無如此相看互
有憐

贈勗宗上人三首

菴畫溪邊髻尚髻便拈荷葉作袈裟一條水牯斜
陽外種得山頭十畝霞

髯公美似晉司空

謂青崖
老人

識取雲間紫氣濃手把

千將日磨淬匣中抽出秋芙蓉

詩清雲淡兩無心人自青春韻自深好待菊黃重

九後萬山紅葉冷相尋

山中臥雪呈青崖老人

一夜西風雪滿山老僧留客不開關
銀沙萬里無來跡犬吠一聲村落聞

紫瓊崖主人送板橋鄭燮爲范縣令
萬丈才華繡不如銅章新拜五雲書

朝廷今得鳴琴牧江漢應閒問字居
四廊桃花春雨後一缸竹葉夜涼初
屋梁落月吟瓊樹驛遞詩筒莫遺疎

將之范縣拜辭

紫瓊崖主人

紅杏花開應教頻東風吹動馬頭塵
闌干首肯嘗來少琬琰詩篇捧去新
莫以梁園留賦客須教七月課函民
我朝開國于今烈

文武成康四聖人

僧壁題張太史畫松諱鵬冲

畫背所揭紙案頭已敗
華僧房坐無聊偶然作松
骨松毛無幾許松幹頗
鬱兀虬龍挺僵瘦脩蛇
歛出沒輕雲澹欲無奔
雷怒將擊想當無意中
精神
飄忽傍無指授人
今作何體格胸無成見
拘摹

擬反自失魯公坐位帖要以草藁得我音未嘗見
僧粘在破壁及經驚歎奇千求不我錫此紙立即
破裝潢事孔急吾求不汝強汝當真愛惜